

Հավելված
ՀՀ կառավարության 2011 թ.
հունիսի 10-ի նիստի N 22
արձանագրային որոշման

ՓՈԽԱՌՈՒԹՅՈՒՆ 1390Ք

**«Գյուղական կարողությունների ստեղծման ծրագիր»
(ԳԿՍԾ)**

Փոխառության համաձայնագիր

Հայաստանի Հանրապետության

և

Միջազգային Զարգացման ՕՊԵԿ Հիմնադրամի

միջև

8 հունիսի 2011

Համաձայնագիրը ստորագրված է 2011 թվականի հունիսի 8-ին Հայաստանի Հանրապետության (այսուհետ՝ Փոխառու) և Միջազգային զարգացման ՕՊԵԿ հիմնադրամի (ՄՁՕԿ) միջև:

Նկատի ունենալով, որ Փոխառուն ՄՁՕԿ-ից աջակցություն է խնդրել՝ Հավելված 1-ում նկարագրված Ծրագրի համաֆինանսավորման համար,

Եվ նկատի ունենալով, որ ՄՁՕԿ-ն հաստատել է Փոխառուին քսան միլիոն դոլարի (\$20.000.000) չափով փոխառության տրամադրումը ստորև շարադրված դրույթներին ու պայմաններին համապատասխան,

Հետևաբար սույն Համաձայնագրի («Համաձայնագիր») կողմերը սույնով համաձայնում են հետևյալի մասին.

Հոդված 1

Ընդհանուր պայմաններ, սահմանումներ

1.01. Կցված Ընդհանուր պայմանները սույն Համաձայնագրի բաղկացուցիչ մասն են:

1.02. Ի լրումն նախաբանում սահմանված հասկացությունների, ստորև նշված հասկացությունները և արտահայտությունները ունեն հետևյալ իմաստները կամ հատուկ իմաստները, երբ դրանք կրկնում են Ընդհանուր պայմանների հասկացությունները և արտահայտությունները՝

ա) «Փոխառուի լիազորված ներկայացուցիչ» նշանակում է Փոխառուի ֆինանսների նախարարը.

բ) «Ավարտի օր» նշանակում է 2015 թվականի դեկտեմբերի 31-ը.

գ) «Դոլար և \$ նշանը» նշանակում է Ամերիկայի Միացյալ Նահանգների օրինական արժույթը և վերաբերում է այդ արժույթին.

դ) «Ընդունելի ծախսերի իրականացումը սկսելու օր» նշանակում է 2011 թվականի մարտի 16-ը.

ե) «Իրականացնող գործակալություն» նշանակում է Փոխառուի ֆինանսների նախարարությունը.

զ) «Ընդհանուր դրույթներ» նշանակում է 2007 դեկտեմբերին ընդունված «Հանրային ոլորտի փոխառության համաձայնագրերի համար կիրառելի՝ ՄՁՕԿ ընդհանուր պայմաններ».

է) «Արտոնյալ ժամկետ» նշանակում է այն ժամանակահատվածը, որը սկսում է 2011 թվականի հունիսի 8-ից և ավարտվում է նշված ժամկետից հինգ (5) տարի հետո, և

ը) «Փոխառության կառավարիչ» նշանակում է Գյուղատնտեսության զարգացման միջազգային հիմնադրամը:

Հոդված 2

Փոխառությունը

2.01. ՄՁՕԿ-ը համաձայնում է Փոխառուին տրամադրել և Փոխառուն համաձայնում է ՄՁՕԿ-ից ստանալ քսան միլիոն դոլարի (\$20.000.000) չափով փոխառություն՝ սույն Համաձայնագրի պայմաններին և դրույթներին համապատասխան:

2.02. Փոխառուն պետք է վճարի տարեկան տոկոսավճար՝ Փոխառության մայր գումարից դուրս գրված և օգտագործված գումարի երեք և երեք տասնորդական տոկոսադրույքի (3.3%) չափով:

2.03. Փոխառուն պետք է վճարի տարեկան ծառայավճար՝ Փոխառության մայր գումարից դուրս գրված և օգտագործված գումարի մեկ տոկոսի (1%) չափով:

2.04. Տոկոսավճարն ու ծառայավճարը պետք է փոխանցվեն ՄՁՕԿ-ի հաշվին տարին երկու անգամ՝ յուրաքանչյուր տարվա հունիսի 15-ին և դեկտեմբերի 15-ին:

2.05. Արտոնյալ ժամկետի ավարտից անմիջապես հետո Փոխառուն պետք է վերադարձնի մայր գումարը դոլարով կամ ՄՁՕ-ի ղեկավարության համար ընդունելի ազատ փոխարկելի որևէ այլ արժույթով, որը պետք է լինի համարժեք վճարման պահին և վայրում շուկայական փոխանակման կուրսով հաշվարկված՝ դոլարով արտահայտված գումարի չափին: Վճարումները պետք է կատարվեն (30) երեսուն կիսամյակային վճարումներով Հավելված 3-ում (Վարկի մարում) նշված օրերին և չափաբաժիններով:

Հոդված 3 Համաձայնագիրն ուժի մեջ մտնելը

3.01. Սույն Համաձայնագիրն ուժի մեջ կմտնի 3.02 կետին համապատասխան, երբ ՄՁՕ կստանա՝

ա) բավարար ապացույց, որ սույն Համաձայնագրի կատարումը պատշաճ կարգով արտոնված է Փոխառուի անունից և վավերացված է Փոխառուի սահմանադրական պահանջներին համապատասխան.

բ) Արդարադատության նախարարի, Գլխավոր դատախազի կամ Փոխառուի որևէ այլ իրավասու մարմնի վկայական, որով հաստատվում է, որ սույն Համաձայնագիրը պատշաճ կարգով արտոնվել և վավերացվել է Փոխառուի կողմից, և որ այն վավերական և պարտադիր պարտավորություն է՝ իր պայմաններին համապատասխան, և

գ) Ապացույց, որ Ծրագրի ֆինանսավորման նպատակով Փոխառուի և Փոխառության կառավարչի միջև փոխառության կամ ֆինանսավորման այլ համաձայնագիր ուժի մեջ է մտել կամ ուժի մեջ կմտնի սույն համաձայնագրի հետ համատեղ:

3.02. 3.01 կետում նշված պայմանների բավարար կատարումից հետո, սույն համաձայնագիրը, համաձայնագիրն ուժի մեջ մտնելու ամսաթվով, կհամարվի ուժի մեջ մտած:

3.03. Եթե սույն Համաձայնագիրը Համաձայնագրի ստորագրման օրվանից հետո իննսուն (90) օրվա ընթացքում ուժի մեջ չի մտնում, ապա Համաձայնագիրը և կողմերի բոլոր պարտավորությունները դադարում են, եթե ՄՁՕ ղեկավարությունը, ուշացման պատճառները քննարկելով, սույն կետի իմաստով այլ ժամկետ չսահմանի:

Հողված 4 Հասցեներ

4.01. Կողմերի հասցեները ներկայացված են ստորև՝

Փոխառու կողմից՝	ՄԶՕՀ՝
ՀՀ Ֆինանսների նախարարություն Մելիք Ադամյան 1 Երևան, Հայաստան Տելեֆաքս (+374-1) 1 524282	Միջազգային զարգացման ՕՊԵԿ Հիմնադրամ Փարքրինգ 8 A-1011 Վիեննա, Ավստրիա Տելեֆաքս (+43-1) 513 92 38

Ի վկայումս վերը նշվածի՝ Կողմերն իրենց լիազորված ներկայացուցիչների միջոցով ստորագրեցին սույն Համաձայնագիրը Վիեննայում, երկու հավասարազոր բնօրինակով՝ անգլերենով, վերը նշված ամսաթվով:

Փոխառուի կողմից՝

ստորագրություն

ՀՀ Ֆինանսների նախարար
Վաչե Գաբրիելյան

Միջազգային զարգացման ՕՊԵԿ Հիմնադրամի կողմից՝

ստորագրություն

Գլխավոր տնօրեն
Սուլեյման Ժ. Ալ-Հերբիշ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳՅՈՒՂԱԿԱՆ ԿԱՐՈՂՈՒԹՅՈՒՆՆԵՐԻ ԱՏԵՂԾՄԱՆ ԾՐԱԳԻՐ
ԳԿԱԾ
ՀԱՎԵԼՎԱԾ
ԾՐԱԳՐԻ ՆԿԱՐԱԳՐՈՒԹՅՈՒՆԸ

Ծրագրի ընդհանուր նպատակը Հայաստանի գյուղական բնակավայրերում աղքատության նվազեցումն է, ի թիվս այլ միջոցների, փոքր ծավալի արտադրություն ունեցողների ունեցվածքն ու եկամուտներն ավելացնելու միջոցով և նրանց համար մատչելի դարձնելով՝ (ա) արտադրական և բարձրարտադրողական տեխնոլոգիաները և (բ) սոցիալական ու տնտեսական ենթակառուցվածքների օգուտները:

Ծրագրի նպատակներն իրականացվելու են հետևյալ բաղադրիչներով՝

1. Այգեգործական արտադրության հավելյալ արժեքի շղթայի ստեղծում

Այս բաղադրիչի նպատակն է փոքր ծավալի արտադրություն ունեցողների ունեցվածքի ու եկամուտների ավելացումը, ի թիվս այլ միջոցների, նրանց՝ պտղի և ընդեղենի արտադրության հավելյալ արժեքի շղթային կապելու միջոցով:

Բաղադրիչն ունենալու է հետևյալ ենթաբաղադրիչները՝

Ա. պայմանագրային այգեգործություն և տեխնոլոգիաների փոխանցում.

Բ. արտահանման խթանում, ստանդարտների, որակի փորձաքննության և սերտիֆիկացիա, և

Գ. այգեգործության ֆինանսավորում:

2. Գյուղական վայրերի ֆինանսավորում

Այս բաղադրիչի ընդհանուր նպատակն է գյուղական վայրերի փոքր և միջին ծավալի արտադրություն ունեցողների համար ֆինանսական ծառայությունների մատչելիության բարելավումը:

3. Գյուղական ենթակառուցվածքներ

Այս բաղադրիչի նպատակն է լրացնել ենթակառուցվածքային ներդրումների պահանջը՝ կենսամակարդակի բարձրացման նպատակով և աջակցել, որ շահառուների որոշակի խմբերն ամբողջությամբ օգտագործեն իրենց տնտեսական ներուժը: Բաղադրիչը բաղկացած է հետևյալ ենթաբաղադրիչներից՝

Ա. հանրային ենթակառուցվածքային ներդրումներ և

Բ. գյուղական ճանապարհների բարեկարգման ներդրումներ:

4. Ծրագրի կառավարում

Բաղադրիչը ֆինանսավորելու է Ծրագրի կառավարման և իրականացման ծախսերը

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳՅՈՒՂԱԿԱՆ ԿԱՐՈՂՈՒԹՅՈՒՆՆԵՐԻ ԱՏԵՂԾՄԱՆ ԾՐԱԳԻՐ
ԳԿԱԾ
ՀԱՎԵԼՎԱԾ 2
ՎԱՐԿԱՅԻՆ ՄԻՋՈՑՆԵՐԻ ՏԵՂԱԲԱՇԽՈՒՄ

1. Բացառությամբ Փոխառուի և ՄՁՕ՝ ղեկավարության միջև այլ համաձայնության, ստորև ներկայացված են այն բաղադրիչները որոնք պետք է ֆինանսավորվեն վարկային միջոցներով, յուրաքանչյուր բաղադրիչի համար հատկացված վարկային միջոցների չափը և ընդհանուր ծախսերում յուրաքանչյուր բաղադրիչի ֆինանսավորման տոկոսը:

<i>Բաղադրիչ</i>	<i>Տեղաբաշխված փոխառության չափը ԱՄՆ դոլարով</i>	<i>Ֆինանսավորման ենթակա ընդհանուր ծախսերի տոկոսը</i>
Ա. Այգեգործական արտադրության հավելյալ արժեքի շրջայի ստեղծում	-	-
I. Պայմանագրային այգեգործություն	-	-
II. Արտահանման խթանում, ստանդարտների, որակի փորձաքննության և սերտիֆիկացիա	-	-
III. Այգեգործական ֆինանսավորում		
Բ. Գյուղական վայրերի ֆինանսավորում	-	-
Գ. Գյուղական ենթակառուցվածքներ		
I. Հանրային ենթակառուցվածքային ներդրումներ	19.400.000	59,45%
II. Գյուղական ճանապարհների բարեկարգման ներդրումներ	-	-
Դ. Ծրագրի կառավարում Ընդամենը	<u>600.000</u> <u>20.000.000</u>	18%

2. Չնայած վարկային միջոցների բաշխմանը կամ 1-ին կետի աղյուսակում նշված տոկոսին, եթե ՄՁՕ՝ ղեկավարությունը ողջամտորեն հաշվարկի, որևէ բաղադրիչի համար հատկացված վարկի գումարը բավարար չէ այդ բաղադրիչի ամբողջ ծախսերի համաձայնեցված տոկոսը ֆինանսավորելու համար, ՄՁՕ՝ ղեկավարությունը, Փոխառուին գրավոր տեղեկացնելով, կարող է (i) այլ բաղադրիչի համար հատկացված վարկային միջոցները, որոնք ՄՁՕ՝-ի ղեկավարության կարծիքով անհրաժեշտ չեն այլ ծախսեր հոգալու համար, վերաբաշխել տվյալ բաղադրիչի հաշվին, այնպես որ հնարավոր լինի ծածկել պահանջվող հաշվարկված բացը, (ii) եթե նման տեղաբաշխումը չի կարող ամբողջությամբ ծածկել հաշվարկված բացը, նվազեցնել այդ ծախսերի համար կիրառելի տոկոսը, որպեսզի հնարավոր լինի նշված բաղադրիչի հետ կապված հետագա դուրսգրումներ կատարել, մինչև բոլոր ծախսերն իրականացված կլինեն:

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳՅՈՒՂԱԿԱՆ ԿԱՐՈՂՈՒԹՅՈՒՆՆԵՐԻ ԱՏԵՂԾՄԱՆ ԾՐԱԳԻՐ
ԳԿԱԾ
ՀԱՎԵԼՎԱԾ 3
ՎԱՐԿԻ ՄԱՐՈՒՄ

	<u>Ամսաթիվ, տարի</u>	<u>Գումար՝ ԱՄՆ դոլար</u>
1.	2016 թ. հունիսի 15	666.660
2.	2016 թ. դեկտեմբերի 15	666.660
3.	2017 թ. հունիսի 15	666.660
4.	2017 թ. դեկտեմբերի 15	666.660
5.	2018 թ. հունիսի 15	666.660
6.	2018 թ. դեկտեմբերի 15	666.660
7.	2019 թ. հունիսի 15	666.660
8.	2019 թ. դեկտեմբերի 15	666.660
9.	2020 թ. հունիսի 15	666.660
10.	2020 թ. դեկտեմբերի 15	666.660
11.	2021 թ. հունիսի 15	666.660
12.	2021 թ. դեկտեմբերի 15	666.660
13.	2022 թ. հունիսի 15	666.660
14.	2022 թ. դեկտեմբերի 15	666.660
15.	2023 թ. հունիսի 15	666.660
16.	2023 թ. դեկտեմբերի 15	666.660
17.	2024 թ. հունիսի 15	666.660
18.	2024 թ. դեկտեմբերի 15	666.660
19.	2025 թ. հունիսի 15	666.660
20.	2025 թ. դեկտեմբերի 15	666.660
21.	2026 թ. հունիսի 15	666.660
22.	2026 թ. դեկտեմբերի 15	666.660
23.	2027 թ. հունիսի 15	666.660
24.	2027 թ. դեկտեմբերի 15	666.660
25.	2028 թ. հունիսի 15	666.660
26.	2028 թ. դեկտեմբերի 15	666.660
27.	2029 թ. հունիսի 15	666.660
28.	2029 թ. դեկտեմբերի 15	666.660
29.	2030 թ. հունիսի 15	666.660
30.	2030 թ. դեկտեմբերի 15	666.860
	Ընդհանուրը՝	20.000.000

